




GELGIA: schefs da stadi sen viseta «Els on lia discorrer cun igls oters giasts»



Gronda siertad aint igl hotel «Waldhaus» perveia dallas delegaziuns politicas.

G.N.S. Igl antop sez, digls schefs da stadi, chel ò gia li a Segl e chegl aint igl hotel «Waldhaus». Lò on las personalitads er pernotta. Igls oters giasts digl hotel nobel èn nias infirmos tgi per dus deis seia ple muvimaint ainten l'antiera tgesa er perveia dalla gronda siertad.

Igl hotel «Waldhaus» a Segl è an Svizra egna dallas miglras adressas tgi dat. Hospitalitad, gentilezza e discreziun totga tar igl mintga de. Tar igls giasts digl hotel totgan cunzont famiglias bagnstantas, persungas pi segls onns, dantant er la garda giovna digls bungs giasts sa lascha eir bagn e stat gugent tar la famiglia Dietrich e Kienberger. La gronda part digls vers 200 ampluias lavoura aglmanc 25 onns ed er daple aint igl hotel e totga tar igl

menaschi scu igls giasts fidevels. Cugl Origen Festival Cultural e cun Giovanni Netzer on igls proprietaris digl hotel «Waldhaus» adegna gia ena fitg buna relaziun. Chegl è alloura er sto igl muteiv tgi Alain Berset ò tscharnia Segl ed igl hotel «Waldhaus» per s'inscuntrar cun las personalitads digl exterior, e betg en hotel da luxus a Son Murezza.

Aint igl hotel «Waldhaus» on igls schefs da stadi e las persungas roialas er gia en termin cun igls numerous schurnalists. Per ansomma neir aint igl hotel ins ò duvro scu representant dallas medias ena lubientscha digl post da medias dalla confederaziun. Eneda tg'ins era aint igl hotel ins era bagn circumdo da schi blers bodyguards tg'ins vess strousch savia dar anturn, pero fitg liber. Tots eran pero gentils, da gronda maniera e fitg serious. Do a nous pled e fatg ò Felix Dietrich, igl an-



terieur patrung, el tgi stat ossa pitost ainten la sagonda retscha, cun aveir surdo la direcziun agls fegls Claudio e Patrick Dietrich.

Scu ampren è nia Alain Berset

Felix Dietrich rachinta tgi scu ampren dal las seis personalitad seia nia cunsigliar federal Alain Berset aint igl hotel. Chegl tenor protocol cun el esser hospitant digl antop. Cun en interval da mintgamai 15 minutas seian successivmaintg er nias igls oters tschintgs schef da stadis. Gio la ceremonia da bavegna seia stada zont singulara, manegia Felix Dietrich. Sulet igl prenzi editar Alois digl Principadi da Liechtenstein è nia an Nagiadegna cun autist e passo tras Surmeir accompagna da blers autos da pulizeia.

Angal per la delegaziun politica

Igl anteriour patrung digl hotel «Waldhaus» dei tgi igls oters giasts eran infurmos tgi igls schefs da stadi vignan a pernottar aint igl hotel. Ins vegia er infurmo els tgi singuls salv seian reservos per las personalitads dalla politica cun partenarias e donnas. I seia bagn sto ensatge fitg agen da pudeir beneventar schi blera prominenz ainten la sia tgesa, dei Felix Dietrich. El ò er detg tgi Frank-Walter Steinmeier seia gio igl terz president dalla Germania tgi seia nia scu giast aint igl hotel «Waldhaus». Nias an Nagaidegna èn igls omens dalla politica anfignen Samedan cun avjuns privats e helicopters e da lò venanvat a Segl cun limusinas e cun blera pulizeia.

Stos cun igls oters giasts

Per las personalitads digls stadis e las damas noblas eran neidas reservadas las pi belas sitas digl hotel «Waldhaus». Tschano è nia

ainten la steiva da sember e do ògl tratgas cun products regiunals e vetiers vegns grischuns. A meisa era pero angal Alain Berset cun la sia donna e cun igls oters tschintg schefs da stadi e donnas. Siva digl diner seia sto igl giaveisch digls giasts prominents da star per en mument ainten la lounge cun igls oters giasts digl hotel, dei Felix Dietrich. El manegia tgi chegl seia bagn sto ena bela gesta digls giasts dalla politica. I seia propi sto en antop ampernevel tgi demossa er la gronda classa digls seis presidents da stad stadi. Per ansomma saveir scu numnar presidents, prenzis, reginas e princessas cursava en cedel cun las indicaziuns digls tetels da mintgign. Er Felix Dietrich veva egn da chels per gio betg sbagler ena princessa cun ena regina. Uscheia ògl gia nom: «Durchlaut, Königliche Hoheit, Majestät e Herr Bundespräsident.



Las limusinasn spitgivan davant igl hotel per manar igls giasts nobels sen Gelgia.